

KPK konfirmon në detyrë gjyqtaren Vojsava Osmanaj

Komisioni i Pavarur i Kualifikimit konfirmoi të premtën në detyrë gjyqtaren e Apelit Shkodër, Vojsava Osmanaj.

Autor: [Edmond Hoxhaj](#) | BIRN | Tiranë



Gjyqtarja Vojsava Osmanaj duke dalë nga Komisioni i Pavarur i Kualifikimit | Foto nga: Edmond Hoxhaj

Gjyqtarja e Gjykatës së Apelit Shkodër, Vojsava Osmanaj kaloi me sukses sprovën e vetingut pasi u vlerësua pozitivisht për të tre kriteret, përfshirë pasurinë, pastërtinë e figurës dhe profesionalizmin.

Osmanaj u vlerësua nga trupa e KPK-së e përbërë nga nga Suela Zhegu kryesuese, Lulzim Hamitaj relator dhe Genta Tafa Bungo anëtare.

Pas shpalljes së vendimit nga KPK, vëzhguesi ndërkombëtar Steven Kessler e uroi dhe i tha Osmanajt se i kishin bërë shumë përshtypje diskutimi dhe parashtrimet e saj në seancë dëgjimore.

Vojsava Osmanaj ka përfunduar studimet në Shkollën e Magjistraturës në vitin 2008 dhe është emëruar gjyqtare në Gjykatën e Korçës. Në vitet 2013-2016, Osmanaj ka punuar si inspektore pranë Këshillit të Lartë të Drejtësisë dhe më pas është emëruar gjyqtare në Gjykatën e Apelit të Shkodrës.



RRETH AUTORIT

Edmond Hoxhaj

Edmond Hoxhaj është gazetar i Rrjetit Ballkanik për Gazetari Investigative në Shqipëri. Ai ka punuar më herët për gazetën “Shqip”. Ai ka përfunduar studimet në Universitetin e Tiranës në degën Gjuhë-Letërsi. Hoxhaj ka punuar që nga viti 2001 në disa media të shkruara, ku ka mbuluar çështjet e aktualitetit dhe të drejtësisë.